

古文尚書鄭氏注箋釋

古文尚書鄭氏注箋釋卷十八

曹元弼學學

洪範第十六 周書 古文尚書 鄭氏注

箋云

洪。大也。範。法也。釋今文洪作鴻。大傳說鴻範

可以觀度。漢書說禹治洪水。賜洛書。法而陳之。洪

範是也。聖人行其道而寶其真。降及于殷。箕子在

父師位而典之。周既克殷。以箕子歸。武王親虛己

而問焉。志行**釋曰**自開闢以來。河圖洛書之出屢矣。

多為帝王受命之符。惟伏羲受河圖而作易。大禹

受洛書而作範。皆天所以啟聖人之獨智。為天道

人倫聖學王政之本。其尤重。故著在經典以訓萬世。洪範音同字通。範訓法。故云鴻範可以觀度。謂法度也。此篇箕子為武王陳之。自是周書。左傳三引作商書者。或武王尊箕子。順其志。使全才為商人。命史佚例題之。說文五引亦用承左傳之文。若編到書中。自當題周書。與牧誓武成分器等相次。段氏疑今文此篇在微子前。然漢石經唐時具存。唐人絕不言此篇標題次序有異。儒林傳稱堯典皋謨洪範微子金縢諸篇。乃傳寫偶倒耳。至說文引微子稱周書。或因微子歸周志存宗祀。故當時

有此稱。然編篇亦必在商書。且微子稱周書惟見
說文。或字誤耳。說文引書誤字多矣。餘詳序。或或
曰。商書周書各四十篇。而周書中有商人所為書
一篇。故目洪範為商書。儒林傳或以克典為禹貢洪
範並為治世大典。類舉之耳。

惟十有三祀。王訪于箕子。

箋云漢書說。惟十有一年。武王伐紂。大誓八百諸侯。

會。還歸二年。乃遂伐紂。克殷。以箕子歸。作洪範。洪範

篇曰。惟十有三祀。王訪于箕子。自文王受命而至此

十三年。律歷志此大傳說。武王釋箕子囚。箕子不忍周

鄭君所取

之祥。之朝鮮。武王以朝鮮封之。箕子既受不得無封。

臣禮。故於三祀來朝。謂即於十三年來朝以答禮。史遷說。武王已克殷。

後二年。問箕子殷所以亡。箕子不忍言殷惡。以存亡

國宜告。武王亦醜。故問以天道。馬氏曰。箕。國名也。子。

爵也。箕子。紂之諸父。史記訪。謀也。釋曰。序云。武王勝

殷。殺紂。立武庚。以箕子歸。作洪範。四語一氣直下。

合之經十三祀。王訪箕子之文。明勝殷興作洪範是

一年事。據此以考國語逸周書禮記易緯等定十

年。觀兵十三年。誅紂。訪箕子。作洪範。無不吻合。故鄭

君取之。非偏從劉歆也。大傳說似以來朝為答禮。故

即在十三年。如此則與鄭說同。或謂傳意走之朝鮮
與來朝別年。則與史記所云十一年克殷後二年訪
洪範同。惟封朝鮮先後異耳。詳序。傳云箕子不忍周
之釋。鄭注云。誅我君而釋己。嫌苟免者。紂罪大惡極。
天命所誅。殺之賢人。其心當宜有所不憚。然在箕子。
則君被誅而已。嫌於苟且偷生。故不忍入周而走
之海外。武王之誅紂。天理之正也。箕子之出走。人心
之安也。然武王既封微子於宋。仍立武庚為殷後。可
謂仁至義盡。且就箕子所在而封之。使為海外之君。
以明不臣。聖賢相處可謂盡善。於義不能無答禮。且

客當時使者以傳道覺民相請。尤不可虛其意。故即以十三祀來朝而王訪之。史公謂以箕子歸二年乃訪洪範。度二年中。武王尊以爲師。論古今治道必多。及十三年論及殷所以亡。箕子不忍言。而以武王能存亡國宜有以告。或曰。謂以存亡國所宜行之事告。問答躊躇之間。武王亦祇對其臣論其君之惡。故不復言而問以天道。此洪範所由作也。武王受洪範於箕子。受丹書於太公。以奄革成大功而虛心求學如此之勤。成王稱武考不知則不問。不能則學。蓋成湯日新又新。文王望道如未之見。固一自強不息矣。

王乃曰。嗚呼。箕子。惟天陰陽下民。相協厥居。我不知其彝倫攸敘。

〔箋〕云。馬氏曰。陰。覆也。陽。升也。升。猶舉也。舉。猶生也。

大呂覽說。鴻範曰。惟天陰陽下民。陰之者。所以發之也。

高誘云。陰。陽升陟也。反云。言為陰也。陽升也。本為地言。天覆生下民。王者天

舉發。故云。明之以仁義也。君應劭說。相。助也。協。和也。倫。

理也。故所也。言天覆下民。王者當助天居。居上似朕和。民所主。我不知居天

常理。所次序也。侯書云。行意注。史遷嗚呼作於乎。省箕子二字。

惟作難。後皆同。隲作定。協作和。釋厥作彝。皆作常。詒敘皆

作所。敘皆作序。宋世。漢書五行志乃皆作迪。嗚呼作烏。

咻。似皆作道。釋曰說文乃難詞也。王乃言者。據史

記武王因箕子不忍言紂惡乃不復論興亡而問以

天道。則故稱乃言。箕子以君惡不忍言而天道則可

言。故下文亦稱乃言。皆見其出辭之遲難。嗚呼箕子。慎重嗟歎而呼之。

以致深敬之意。惟天陰陽下民。馬訓陰為覆。釋名

云。陰。陰也。陰覆同義。陽者。陟之假借字。釋詁云。陽。

陞也。陞升同。升猶舉。舉猶生者。江氏謂輾轉相訓以

明陽之得訓為生。馬轉升為舉。高倬呂覽文增成

為舉發。發生義相因。言天陰覆下民。而備其知覺。

發生其善心以躋於仁壽。是民之所居。王者當助天

協和之。明之以仁義。所謂相協厥居。居仁由義也。仁
義為天之常理。是謂彝倫。民居處之各有次序。如為
君止。臣為臣止。敬為子止。孝為父止。慈與人父止。信
以及萬事萬物各有所當止處。是謂彝倫之敘。我不
知其彝倫之所以能叙。當如何承天順民也。江氏云。仁
誼為所居之常理。即所謂厥居。所謂彝倫。案人性
皆有仁義。教之則進。易地中生本升。此復生之義。
百穀草木之種與根在地中。天氣蔭覆之。使升進。
發育長而上。是天陰陽下民之象。加以人功之培植。
是相協厥居之象。陰之者。善性在內。寂然不動。喜

喜怒哀樂之未發謂之中。易之元也。發之者。善端著
見。感而遂通。發而皆中節。謂之和。元之亨也。王者
助天舉發。舉如舉隅之舉。發如發蒙發育之發。助天
合和民所居之天常。盡其性以盡人之性。盡物之性。
使各合中乎常理之次叙。致中和。天地位。萬物育。亨
而利貞也。呂晚所說。蓋七十子後學者所傳古義。
馬高應說皆相表裏。故申之。史公隲訓定。蓋讀隲為
正。隲正一聲之轉。正定同義。陰定下民。謂神無形而著
不言而誠。天與民以善性。使各居天之常理。而人不能盡
率天常。高高在上。日監在茲。隨其善惡以降之福極。

王者當助和民之所居。使日遷善而五福以類升。理亦相通。此篇出史記異文。皆見宋世家。後不悉出。

此第一章。記王訪箕子及問字辭。

箕子乃言曰。我聞在昔。鯀陳洪水。汨陳其五行。

箋云應劭說。理塞也。汨。亂也。水性流水而行。而鯀理塞之。

失其本性。其餘所陳列皆亂。故曰亂陳五行。五行更遷。

洪皆作鴻。漢石經同。理作伊。汨作曰。皆理聲中古文。

作聖。說文曰。聖。塞也。从土。而聲。商書曰。鯀聖洪水。此句或當在

下。聖。古文聖。如釋曰。箕子承王問。彝倫。將以洪範九

疇傳之。先述其原本。故云我聞在昔。大地以土為

質。而水出其中。周其外。水性就下。以四海為壑。堯
時洪水為災。災。使鯀治之。不掘地注海。而以土塞之。於
是水土相沴。懷山襄陵之禍。非徒無益而又害之。民
不得平土而居。而金木火皆失其用。故曰亂陳其五
行。鯀治水實有非常之才。當時禹年尚幼。極天下之
選。未有賢於鯀者。而剛愎自用。欲以私智強力勝水。
重為民禍。此帝所以怒也。

帝乃震怒。不畀洪範九疇。彝倫攸斁。

帝。天也。天以鯀如是。乃震動其威怒。不與天道大法九
類。言王所問所由敗也。史記集解漢書史遷畀作從。疇作等。數

壁中古文作璿。說文曰。璿。敗也。从少。畢聲。商書曰。彝
倫攸璿。部數。一作釋。史記集解。從廣說。璿曰。孟子曰。當堯之時。天
下猶未平。自三皇以來。聖人爲民禦災捍患。剷除將
盡。不孝又遇陰陽氣化之大厄。洪水橫流。天心至仁。急
欲出民昏墊。而絲逆水之性。九載績用弗成。天以爲
不足與圖。平治天下之功。故不與天道大法九類而棄
之。於時民無定。所萬國不粒。曷暇治禮義。此彝倫所由
敗也。震動。昇與。疇類也。史公昇作從者。孫氏疑今文
昇作俾。釋詁云。俾。從也。謂絲逆水性。即不順天道大
法九等自然之序。等類同義。璿訓敗。止字。數借字。或

作釋者。蓋釋之誤。

絲則殛死。禹乃嗣興。

春秋傳曰。舜之誅也。殛絲。其舉也興禹。史記集解云。鄭志

答趙商云。絲非誅死。絲放居東裔。至死不得反于朝。

禹乃其子也。以有聖功。故堯興之。若以殺人父用其

子。而舜何以忍乎。而尚書云。絲則殛死。禹乃嗣興者。

箕子見武王誅紂。今與已言。懼其意有慙德。而說父

不肖則罪。下從當子賢則舉之。以滿武王意也。殛一作

興起也。釋言。

極。釋文三國志注引嗣繼。釋曰絲被殛失職為東裔小侯以死。

絲殛時。水患正急。舜見其子禹有聖德。言於堯。使

幹父蠱。禹乃繼絲而興。順水之性而導之。卒成大功。允
舜不以罪人之子而廢之。以其有聖德而興之。此聖
人至公之心也。禹乃蓋父愆。以釋君憂。濟天下之溺。
此至孝至忠至仁之德也。箕子言此。以見王與已問
答皆出於天理之至公。光明不疚。所謂武王意者如
此。聖賢皆以理得為心安。絕非曲與周旋之謂。餘詳
堯典。

天乃錫禹洪範九疇。彝倫攸叙。

箋云五行志曰。此武王問雒書於箕子。箕子對禹
得雒書之意也。又^於初一日五行章下。說為雒書。

本文。所謂天迪錫禹大法九章常事所次者也。中

候說。堯率羣臣東沈於洛。亦光起。元龜負書。中背

有赤文成字。宋均云。此即禹所受洛書。堯率羣臣。

出時預焉。太平御覽
百七十二大傳說。維王后元祀。帝令大禹

步于上帝。鄭氏云。禹始居攝之年。帝舜也。步。推也。

初禹治水。得神龜負文于洛。予以盡得天人陰陽

之用。至是奉帝命而陳之。釋曰禹順水之性而行

之。九州以次底平。洪荒以來生民之患。於是盡除。

天乃賜禹以天道大法九類以顯其功。使為法於天

下。垂教於萬世。水患既去。中國可得而食。於是稷

降播種。契教人倫。而天下大治。此彝倫所由叙也。洪
範即洛書。禹得洛書。疑在治水導洛時。後奉帝舜
命。次第而陳列之。武王問箕子以彝倫。自上世以來。
若伏羲之八卦。黃帝顓頊之丹書。堯典皋謨等。皆
聖人繼天立極。以叙彝倫之道。而其綱舉目張。條分
縷析。以示後王。莫如洪範。箕子興之。而深究其義。其
精微廣大之蘊。非箕子莫能言。非武王莫與傳。故因
王問而詳言之。此聖賢代天行道。以叙萬世之彝倫
也。聖人所以愛敬生養萬萬生民者。在立人倫。人倫出
於天命之性。所謂民之秉彝。天不變道亦不變。故曰

葬倫。伏羲得河圖而作八卦。繼天開物。人倫所由
始。大禹得洛書而陳九疇。平地成天。葬倫所由叙。葬
倫本於孝。堯舜以禹有聖德。使嗣父之業。禹痛父失
道不能成功。勞身焦思。八年於外。過門不入。歷十三
年。盡去閭閻。以來天地之災。蒸民乃粒。萬邦作乂。卒
回天怒而蒙天祐。受舜禪有天下。祀鯀配郊。使得
在帝左右。荷天之寵。龍天下皆聖禹而神鯀。故孔子作
孝經。稱先王有至德要道。七十子微言。謂主意於禹。
三代表服祭法。皆自禹始定。此又以身立葬倫之極
則。為治法之大本。余嘗於孝經序論之。文王拘而演

周易箕子四而陳洪範。此皆聖仁憂志萬世之心。彝倫之所以終古不泯也。是故君子不以世亂怠乎道。

此第二章。箕子將陳洪範九疇先述其原本。

初一日五行。

行者。順天行氣。

永樂大典卷字部

箋云馬氏曰。從五行已下至

六極。洛書文也。

釋白虎通曰。五行者。謂金木水火土

也。言行者。欲言為天行氣之義也。

五**釋**曰江氏云。播

五行于四時。迭相休

生

是為天行氣之韻。案五行氣

行於天而質藏於地。其主氣為五帝。其精為五星。其

質為五材。人稟其秀氣為五性。萬事之用皆由此出。

次二日敬用五事。

曉小
曉是

五行志敬作羞藝

文志曰。五行者。五常之形氣也。書云。初曰五行。次二

曰羞用五事。言進用五事以順五行也。貌言視聽思

心失而五行之序亂。釋曰五事者五常之性發見於

事。當以行之。論語曰。非禮勿視。非禮勿聽。非禮勿言。非

禮勿動。故視聽言動皆合乎禮而心一於仁為立。

政之本。說文敬从𡗗𡗗。紀力反。非从攴勸且之。𡗗自急救也。从羊省。

从包省。从口。𠂔。口猶慎言也。从羊。羊與義善美同。

菊^菊古文苟不省。江氏說。古文苟字作^菊與差相似。故誤為差。五事乃切身之事。人常自整教者。^菊菊讀為久。案敬从^菊菊得聲得義。古文敬蓋有借^菊菊字為之。故孔君讀為敬。^菊菊與差相似。或誤為差。劉進如班氏說。由五常之性而進行五事使無失。所謂率性之謂道。義亦通。但詭語云敬事。云執事敬。云事思敬。則當以作敬為正。

次三日農用八政。

農讀為醲。^醲醲厚也。^{廣雅}馬氏曰。食為八政之首。故以農名之。^釋釋曰。鄭蓋以農為醲之有借字。^{廣雅}廣雅釋

註云。農勉也。勉厚義近。子張問政。子曰。居之無倦。行之以忠。厚勉之意。為讀農如字。雖與敬用協用等不例。或古有此說。傳曰。政如農功。日夜以思。則兩義亦可適合。

次四曰協用五紀。

箋云五行志協作時。應劭說。時合也。合成五行。為之條紀也。**釋曰**孫氏云。時。時皆協之古史。案天以陰陽氣生成五行。播於四時。周而後始。而歲月是曆。行其間以成度數。人君當治曆明時。為之條紀。使歲歷與天行無不合。則可以敬授民時。允釐百工。明明堂月令。盛

德所在之政。而五行生物之功皆成矣。江氏據國語
韋注原應注五行爲五位。以歲月日星辰五者當之。此
并星辰爲一合歷數總之五亦通。

次五日達用星極。

案云案皇天傳作王。說爲爰用五事。建立王極。又曰。王
之不極是謂不達。鄭氏云。王君也不名體而言王此下
性者。五事象五行。則王極象天也。人法天元氣純。則不
可以一體而言之也。天變化爲陰爲陽。覆成五行。經
曰。歷象日月星辰。敬授民時。論語曰。爲政以德。譬如
北辰。是則天之北通於人政也。孔子說春秋曰。政以不

由王出不得為政。則是王君出政之號也。極中也。達
立也。王象天。以性情覆成五事為中和之政也。王政
不中。則是不能立其事也。五行志引大傳作皇君也。曰皇也
極中。達立也。人君貌言視聽思五事皆失不得其中。
則不能立萬事。宋均考靈耀說。皇大。極中也。釋曰皮
氏謂鄭大傳注極精。傳稱王之不極。若訓王為大。則
不辭甚矣。愚謂皮說良是。蓋王極非別有一事可指
體而名。即視聽言貌思各得其中。以順五行之性。為厚
八政協五紀之本。達用皇極。謂達立政本用王者大中
至極之道。皇達其有極。謂王者達立大中至極之道。

王之不極。謂王者失其大中。釋詁。皇。君也。皇訓君。又訓大。故漢儒或說皇極為大中。班固。皇。鄭。訓。王。皆云。君。是其正訓。其訓大者。乃餘義耳。易以太極為八卦之本。乾以皇極為九疇之主。故聖道莫高於中。堯九執其中。舜用其中於民。湯執中。皆所謂達用皇極也。

次六曰又用三德。

箋云。又。五行志。漢石經皆作又。應劭說。又。治也。治大中之道。用三德也。**釋曰**。說文。變。治也。江氏謂此訓治。實是變字。案又者。音同假借字。又者。借字。古多作又。今作又。

應氏謂治大中之道。當化剛柔之偏而協於中正。愚謂據皋陶謨鄭注。則三德即被^彼經之九德。謂治民用三德之人。各從其宜以施王政。使庶民於是取中。

次七日明用稽疑。

箋云稽。壁中古文作叶。說文曰。叶。卜以問疑也。从口卜。讀與稽同。書云叶疑。叶應劭說。疑事明考之於著龜。

釋曰聖人吉凶與民同患。雖達極錫福。遇有大疑。猶必考之著龜。明審以決其疑。易曰。聖人齊戒以神明其德。此真^其所以稽疑能明也。叶正字。稽借字。

次八日念用庶徵。

庶衆也。徵驗也。謂衆行得失之驗。禮記釋曰念思念也。聖人謙讓不敢自安。雖敬用五事達其有極。又夙夜思念政之得失。用衆行休咎之徵應以自考省。雖休勿休。遇災而懼。是以五福臻而六極消也。稽疑求諸幽。庶徵驗諸明也。

次九曰嚮用五福威用六極。

箋云史遷威作畏。諸次字及敬用衆用協用達用又用明用念用等字皆省。五行志威亦作畏。馬氏曰。言天所以畏懼人用六極。史記應劭說。天所以嚮樂人用五福所以畏懼人用六極。釋曰孫氏云。嚮俗字。當為嚮。漢書

谷永傳永對曰。經曰。饗用五福。畏用六極。段氏云。應注作饗樂乃安。案春秋傳曰。三代之明王。皆數百年享天之祿。享饗字同。或作畏者。古字皆通用。庶徵者。吉凶之先見。休徵見而積善不已。則五福以類升。咎徵見而長惡^不悛。則六極以類降矣。五福者。五事得其正所致。皇建有極。歛時五福。福有五而統於一。六極者。五事失正所致。一事失則一極至。皇之不極。則五事盡失^失而為弱。有率土之民。而無一人之用矣。故五福而極^有六也。六極之極與強同義。又案

又案五行志以初一日以下六十五字為洛書本文。為

氏以五行五事等目^{二十}六字為洛書文。鄭說無攷。案
大戴記盛德篇說明堂之制曰。二九四七五三六一八。盧
氏注以為法龜文。或本鄭義。然則自一至九之數。亦
必龜文所有。其位當一在北。九在南。三在東。七在西。
六在西北。八在東北。二在西南。四在東南。五在中。與
易說卦帝出乎震一章八卦之位相應。其五行五事
等字。錯落龜背。禹以義繫之九數。而說此章。所謂得洛
書而陳九疇也。此第三章列九疇總目。皆禹所陳本文。
一五行。一曰水。二曰火。三曰木。四曰金。五曰土。

此數本諸陰陽所生之次也。史記集解卷六易曰。天一地二天

三地四天五地六天七地八天九地十。鄭氏說。天一土

水于北。地二生火于南。天三生木于東。地四生金于西。

天五生土于中。陽無耦。陰無配。未得相成。地六成水

于北。與天一并。天七成火于南。與地二并。地八成木于

東。與天三并。天九成金于西。與地四并。地十成土于中。

與天五并也。白虎通曰。水位在北方。北方者。陰

是氣在黃泉之下。任養萬物。水之為言準也。養物平

均有準則也。火在南方。南方者。陽在上。萬物垂枝。火

之為言委隨也。言萬物布施。火之為言化也。陽氣用

事萬物變化也。今本說火數語在說木下。與經次序。蓋依江氏正之。木在東方。東方者。陽

氣始動。萬物始生。木之為言觸也。陽氣動。觸地而
出也。金在西方。西方者。陰始起。萬物禁也。金之言為
禁也。土在中央。中央者。土主含萬物。土之為言吐也。
引此經。又史遷九疇每章首無一二等紀數字。釋曰
此天地以陰陽生五行自然之次數。孔疏云。數之所
起。起于陰陽。陰陽往來在于日道。十一月冬至日南
極。陽來而陰往。冬水位也。以一陽生為水數。五月夏
至日北極。陰進而陽退。夏火位也。常以一陰生為火
數。但陰不名奇數。必以隅。故以六月二陰生為火數也。
故是說。稱乾貞于十一月。坤貞于六月。未而皆在

行。由此也。冬至以及夏至常為陽來。正月為春。木位也。三陽已生。故三為木數。夏至以及冬至常為陰進。八月為秋。金位也。四陰已生。故四月為金數。三月春之季。四季土位也。五陽已生。故五為土數。謂劉大剛與顧氏皆以水火木金得土數而成。故水成數六。火成數七。木成數八。金成數九。土成數十。義亦然也。案疏說是矣。愚又嘗深推其理。於鄭注箋釋論之曰。天地之氣各有五數。其氣之行。上而為精。下而為形。以播於四時而生百物者。是謂五行。說文。五。五行也。易。一象太極三象兩儀三象三才。四象四時。則五為五行。天地之數十。傳別之曰天數

五他數五。又合之曰五位相得而各有合。則謂五行明矣。易與洪範相表裏也。又曰。天地生成五行之數如此者。水火以氣行。金以形成。至土而質具。水者陽之精。火者陰所麗。木者陽之達。金者陰所凝。土合四者以受天陽。故五行生次。水最先得天數。火次之得地數。木次之得天數。金次之得地數。土次之得天數。及其成之一如其生之先後。故陽數所生成於陰。陰數所生成於陽。水陽之精而流為陰。火所麗而發為陽。木陽之達而為萬物。金陰所凝而其為物剛。土受天陽以成地。五行皆氣行於天。質藏於地。而其生成之數陰陽互根。此其理

也。又陽為明。陰為幽。天地初分。可見者惟水木土。而火
金皆藏地中。亦五行生數分屬天地之理。洪範一曰水。
二曰火。三曰木。四曰金。五曰土。五行生數也。月令春盛
德在^木其數八。夏盛德在火其數七。秋盛德在金其數
九。冬盛德在水其數六。中央土其數五。土生數五成數
五。二五為十。五行成數也。及其播於四時。則依其生成
之方順而行之。由北而東而南而中而西而北。故水生
木木生火火生土土生金金生水。此^其大略。餘詳彼文。此
說五行本體。以天地生五行之數為次。而五行相生之
次即在其中。若散而布之。則六^一水。七^二火。九^三木。八^四金。六^五土。

木者五即洛書之位。為五行相克之次。相繼者相生。相
間者相克。相生者體也。相克者用也。史公五行上無一
字。五事八政等同例。漢石經踐字以為天下王三德相
枝。無六字。皆今文。璧中古文及馬鄭本皆有。白虎通
委隨當作委垂。與曲禮佩委佩委同義。委垂言草木
枝條垂或垂下也。

水曰潤下。火曰炎上。木曰曲直。金曰從革。土爰稼穡。

箋云潤。

濕也。

廣雅

炎。

火光上。

也。說文

馬氏曰。

金之性從火

而更。

可銷鑠。

史記

種之曰稼。

斂之曰穡。

持世

白虎通曰。

五行

之性或上或下何。火者陽也。尊故上。水者陰也。卑故下。木

者少陽。金者少陰。有中和之性。故可曲直從革。土者

最大苞含。物將生者出。將歸者入。不嫌清濁。為萬物

母。引此經。王史遷爰作釋曰。此言五行之性。潤下者。

潤澤而流下。百川流通。不令晝夜。以遷於海。於德為

智。行險而不失其信。消息與月相應。又為信。炎上者。

炎威而向上。光明照耀。萬物皆相見。嘉會之象。於德

為禮。曲直者。木根在地下。屈曲而出地則直上。其枝條

又有曲有直。人用其材。可曲可直。木當春。陽氣發生。

暢茂條達。於德為仁。從革者。金在沙則散。在石則凝。

入火則皆提融。伏提而變革以成器。又錫利能斷割。如變

化裁成。因事適宜。於德為義。稼穡者。百穀草木麗
乎地。^土元氣廣生。故人得於其上。稷穀收斂。稼穡雖由
人功。實本土性。土苞金載養。真氣充實。於德為信。萬
物自無出有。化育無方。又為智。水土二者皆兼智信二
德。五行之神。人得之為五常之性。而發見於五事。故五
事失則五行之氣亂而災害並至。漢書五行志引洪
範五行傳及說。極言人君失道則水不潤下火不炎上
木不曲直金不從革土失稼穡之利。確有至理。董子
劉子政等比類引證。雖頗不同。而意皆在謹天戒格君
心救民困。是作後王之鑒。於世教裨益匪淺鮮也。

潤下作鹹。炎上作苦。曲直作酸。從革作辛。稼穡作甘。

箋云白虎通曰。水味所以鹹何。是其性也。所以北方

鹹者。萬物鹹與。二字疑當作所以堅之也。猶五味得鹹乃

堅也。火味所以苦何。南方主長養。苦者所以長養也。

猶五味須苦可以養也。木味所以酸何。東方萬物之

生也。酸者以達生也。猶五味得酸乃達也。金味所以

辛何。西方熱傷成物。辛所以熱傷之也。猶五味得辛乃委熱也。

土味所以甘何。中央者。中和也。故甘。猶五味以甘為主

也。引此經。五行。原先木。後火。今依經改。**釋曰**五行各有聲色臭味。見月令。

而味於民食醫藥尤切。故特詳之。凡物有性即有味。

潤下之極則為鹹。故海也。極鹹。水所漸洳之地為斥
鹵。人煮海水為鹽。江氏云。水王于冬。冬主固藏。故味
鹹。所以堅之也。猶食物腥者易朽腐。以鹽鹽之。則乾
耐久。是得鹹乃堅也。炎上之極則為苦。凡物被焚灼
則焦而味苦。然藥物中每有以焦為用者。且藥味皆
苦。治病所必須。江氏云。火王于夏。夏主長養。故味苦。
苦者所以養也。鄭注周禮疾醫云。五味。醢酒。飴蜜。鹽
鹽之屬。是鄭君以酒當苦味。又注酒正云。取醢。醢與酒
味異。然則酒味以苦為正也。禮記射義云。酒者所以
養老也。所以養病也。是需苦可以養也。案酒與藥皆

所以治病養生。其味苦。火性之所作也。曲直者。草木
勾萌折屈而後條達。故其味酸。木實雖極甘者。皆_性酸。
其_性酸。未熟時皆酸。江氏云。木王于春。春主發生。故味
酸。酸所以達生也。高注呂氏春秋孟春紀銷鑠時云。
味去酸者。錯也。萬物應陽錯地而出。鄭注周禮疾醫
五味以醯當酸味。醯所以宣導食物之性也。從革者。
金主收斂。裁成去故取新。有清爽之氣。故其味辛。乳
疏謂金入火銷鑠時。氣味近辛。江氏云。金王于秋。月令
孟秋書天地始肅。仲秋言殺氣寢盛。是秋主殺傷成
物。故味辛。辛者。若薑桂之屬。所以制食物之性。使_元

過藏。是五味得辛乃委殺。案委殺當謂為姜。金克木。
木被傷則姜。故云姜殺。薑桂得金清明之氣。所以通
神明。殺制五味之不善者。今人以薑桂殺腥羶是也。稼
穡得土氣之中。和故味甘。江氏云。土王于四季。含藏四
行。有中和之性。故味甘。猶五味以甘為主也。周禮食鴿
云。凡和春多酸。夏多苦。秋多辛。冬多鹹。調以滑甘。鄭
注云。各尚其時味而甘以成之。猶水火金木之載于
土。案五味由五行之性而成。故皆曰作。王氏取胡氏謂
說。潤下作鹹。猶言凡物味之鹹者皆屬水。餘皆倣此。月
令春其味酸。夏其味苦。中央其味甘。秋其味辛。冬其

甘是之味。

凡甘者皆

屬土。案金

之味。凡辛

者皆屬金。

酸水之味。

凡鹹者皆

屬水。

味。鄭注云。酸木之味。凡酸者皆屬木。苦火之味。凡

苦者皆屬火。內經素問岐伯曰。水生酸。火生苦。土生甘。

金生辛。水生鹹。是也。案諸家說作字。皆以五行在地

之性言。胡王則以其氣言。實則氣以成質。而性存焉。

而味生焉。萬物之性與味皆由出焉。其理一也。此節及

下五事皆文累三重。竊疑五行五事之目。皆禹之本大。

其下皆箕子所申說。故皇極章屢言汝。指武王而言。

別各章皆多箕子申說之辭明矣。惟八政五紀五福六

極無所增演耳。又案陰陽相並俱生。於天地於此則

生於彼。故水火相對。木金相對。土在中兼之。五事配五

行其位亦然。而其序先木金次水火。要皆相對之位。不論生克。及其行之。則自北而東而南而中而西。為相生之次。間一位為相克之次。相生為父子。以恩屬者也。天地自然之道也。本也。相克者夫婦。以義合也。人事所以補偏救弊。禦災捍患。天地之功也。用也。洛書散布五行於四正四隅及中央。皆右行相克之次。而以八卦合之。則自艮土而外又皆為相生之次。相克所以濟相生之窮。天地之道一生生而已。此第舉陳蔡二五事。一曰貌。二曰言。三曰視。四曰聽。五曰思。

此數本諸陰陽昭明人相見之次也。疏

夏云五行傳

曰。視屬木。言屬金。視屬火。聽屬水。思屬土。今文尚書
歐陽說。肝木也。心火也。脾土也。肺金也。腎水也。古尚書
說。肝木也。肺火也。心土也。肝金也。腎水也。月令疏引釋曰此
五行異義陰陽氣性發見於人身昭明可知之次數。蓋天定以陰
陽生成五行。人得其秀氣之神為性。中庸天命之謂
性。鄭注云。天命。謂天所命生人者也。木神則仁。金神則
義。神則火神則禮。水神則信。土神則知。氣性藏於內。而發見運用。
有貌言視聽思五者之事。敬用之。則有恭從明聰睿之
德。而成肅又摯謀聖之功。易曰。立天之道曰陰與陽。立
地之道曰柔與剛。立人之道曰仁與義。五行氣也。故先

水火五常德也。故先仁義。人受天地之中。仁陽而義陰。仁柔而義剛。故人通首仁義。而禮智信以次生焉。此視聽言貌思。依仁義禮智信五德之次。水土各兼有智信二德。故乾鑿度以信屬水。智屬土。中庸注本之。而此經審作擊審或作審。義並通也。江氏云。鄭云人相見之次者。人相見則先見其貌。既見則必有言。因其言則可以知其所以視所聽。且可以知其所思。故先貌次言次視次聽次思。案此王者出身如民言。故就人相見之先後言之。論語視聽言動。以君子克己復禮言。故就身所出之先後言之。動即貌也。不言思者。知其非禮而禁止之。即思也。下

而五藏肝
為木藏故
肝氣動則
見於面動
而病甚者
則手足牽
動言屬金

篇若子有北思。更就視聽言貌詳加分別而貫之以思。皆與此經相表裏。五事貌屬木。而肺為金藏。故肺氣不

暢則言語聲啞。視屬火。而心為火藏。故勞心過甚則目病。又胸中正則眸子瞭。不正則眊。聽屬水。而腎為水藏。

故年老腎衰則易聾。思屬土。而脾為土藏。故思慮過

則傷脾。思出於心。火生土。故今文思作思心。於易震為足

為動。貌也。木也。木德仁。兌為口。言也。金也。金德義。離為

目。視也。火也。火德禮。坎為耳。聽也。水也。水德智。坤為思。

土也。土德信。土分王四季。而坤土在四時之中。乾位於火。

故心屬火而思屬土。艮土在四時之中。乾位於水。故思無

不容而其德為睿。中庸說天地之道曰。其為物不貳。則其生物不測。至誠無貳。博厚載物。信也。容也。生物不測。智也。睿也。易坎有孚維心亨。故水亦兼智信二德。陰陽相並俱生。故說言相偶。視聽相偶。而思兼陰陽在中。猶水火金木南北東西相對而土居中。五德亦東仁西義南禮北智而信在中。記曰。冬之為言中也。中者藏也。則又智信兼屬水土之理。及其行之。則如五行相生之次。易之元亨利貞分配仁禮義智而信在其間。說言視聽思惟分屬五行五德。而隨時運行。初不能拘以五行相生先後之次。故論語視聽言動與此次不同。大傳明以貌

木言金等為相對之次。今古文家說則以木火相^等生之
次言。各為一義。猶班志五行之次不同。今^經文後人不察。
乃以相生之次當相對之次。於是以言為火視為金。又
或以貌言為水火視為木金。於經義大傳文易象皆
非錯矣。至孝經援神契以五藏五德配九竅。蓋經五藏
開竅之義。與藏氣五行之發見於五事者不同。非書義。說
文於心兼取土藏火藏二說。合於火土同位思心同事之理。而
肝肺脾^腎皆專從今文說。其審別精矣。

龍曰恭。言曰從。視曰明。聽曰聰。思曰睿。曰

此恭明聰睿行之於我身。其從則是被人從我。以^{常為}

與上下違者。我足而從。後從亦我所為。不乖。後刺也。審。通
於政事。詩凱陳云馬氏曰。發言當使可從。史記審。通也。釋
五行傳。思為思心。審為審。春秋繁露曰。王者貌曰恭。
恭者敬也。言曰從。後從者可從。親曰明。明者知賢不肖者
分明黑白也。聰曰聰。聰者能聞事而不審其意也。思曰
審。審者言無不容。五行五行志曰。思心者。心思慮也。容。寬
也。鄭注大傳說。容當為審。釋曰。此五事之德。敬用之則能
然。恭者。仁性之發。溫溫恭。人維德之基。故體仁則貌恭。
從者。義性之發。非法不言。言必有中。故精義則言從。從
順也。言順理則可從。王氏云。鄭意從不以己身言而指人

從我。又恐人致疑而解之云。彼從由於我是其義精矣。
文十四年左傳宣子曰其詞順。論語言不順。是言有順
義。禮記孔子閒居氣志既從。鄭彼注云。從順也。從有順
訓。鄭非不知。而必為此解者。春秋無露引此經解之
云。從者可從。先漢古義不可改也。明者。禮性之發。克己
復禮。意識心正。則觀人能燭其情。不肯故明者。智性之發。
好問好察。集思廣益。則聞言能別其是非誠偽。故聰。睿
者。信性之發。誠則明。包囊萬事。為道紀綱。應物變化。
無所不宜。故睿。睿今文作容。鄭注大傳云。容當為睿。劉氏
云古文睿與容相似。近通儒多由作容之義。段氏云。古文睿

字畢竟勝於今文。是以鄭周古文大傳也。但今文尚書並

非伏生所受本如是耳。觀說苑尹文對齊宣王引尚書

容作聖。則作容非始伏生也。案容者。容字形近之誤。當

自晚周以來有此二本。而理可相兼。蓋思字中即含容

義。土色萬物而發生之。惟其容。是以容。故知與信相類

為用。鄭注大傳云。孔子說休徵曰。聖通也。兼四而明。則

所謂聖也。說言視聽而載之以思心者。通以持之。則鄭

君說容字實兼容義。但孔壁古文作容。是孔子所書本

字。中庸曰。惟天下至聖。為能聰明睿知。下云苟不同。聰明

聖知。以聖常睿。是此經睿作聖。必當作睿之切證。蓋子

曰。始條理者智之事也。終條理者聖之事也。智與聖相為
終始。是睿作聖之義。亦土神則知之義。

恭作肅。從作入。明作哲。

疏云鄭本作哲。宋本注。此亦古今坊本多作哲。

聰作謀。睿作聖。

皆謂其政所致也。君親恭則臣禮肅。君肅從則臣職治。

君親明則臣照當。君聰聰則臣進謀。君思睿則臣智。

疏詩

第三

馬氏曰。出令而從。所以為治也。上聰則下進其

謀。史記

春秋繁露曰。恭作肅。言王誠能內有恭敬之姿。

而天下莫不肅矣。從作入。言王可言可從。明正從行而天

下治矣。明作哲。哲者。知也。王者明則賢者進。不肖者退。

天下知善而勸之。知惡而恥之矣。聰作謀。謀者。謀事也。

王者聰則聞事與臣下謀之。故事無失謀矣。容作聖。聖
者。敬也。王者心寬大無不容。則聖能施設各得其宜也。事
史達又作治。哲作智。五行傳志又作艾。哲作慈。睿作容。
哲一作智。釋曰此五事之德內得於己外得於人之成功。衆
記云。肅肅。敬也。詩何彼穠矣。傳云。肅敬。又者。變之有借
字。治也。或借艾為之。哲者。說文云。昭哲。明也。大傳及五行志
作慈。說文云。慈。敬也。鄭大傳注云。慈為智。謂曉也。蓋請慈
為哲。史公哲作智。訓敬字。依智訓則其本當作哲。詩云。
既明且哲。哲與明義稍別。此據視言。則作哲尤允。說文。
睿。深明也。通也。聖。通也。大傳注云。心明曰聖。鄭以此肅

又哲謀聖皆君政所致。謂君致其臣。與董子義同。江氏
云。君能恭從明聰審。則其政必脩。臣下奉行之。必能肅
變哲謀聖而致休徵矣。鄭注五行大傳云。君貌不恭。則是不
能敬其事。君言不從。則是不能治其事。君視不明。則是不
能瞭其事。君聽不聰。則是不能謀其事。君思心不通。
則是不能心明其事。是肅變哲謀聖皆就君言。此注
以肅變哲謀聖屬臣言者。鄭注五行傳又云。君臣不敬。
則倨慢如狂矣。君臣不治。則僭差矣。君臣不聰。則恭謹
矣。君臣不謀。則急矣。君臣心有不明。則相害矣。是則君
臣皆肅變哲謀聖。固不專屬之君也。君既恭從明

聰敏矣。則自然肅敬。變哲謀即。事理相因。不言可知。故鄭
君以肅敬。哲謀。聖屬。臣言也。蓋正以率下。下自則效之。
理所固然。孔穎達乃妄駁之。過矣。王氏云。中庸曰。為政
在人。取人以身。五事即脩身之道。能以恭從等事致肅
又等。則其身之能為肅又等。不言可知矣。詩小星云。國
靡靡止。或聖或否。民靡靡盬。或哲或謀。或肅或艾。鄭
箋云。天下諸侯侯雖無禮。其心性猶有通明者。有賢者。民
雖無法。其心性猶有知者。有謀者。有肅者。有艾者。王何
不擇置之於位。而任之為治。鄭尚書注。義實本此。彼疏
言禮法大行之日。賢人衆多。今雖無禮法。於中猶此五事

者。以成事乃人性行之能。故其心性皆有此德。此說尤精。足以發揮鄭義。春秋繁露通與鄭合。古訓不可易。觀鄭大傳注。則知鄭意未嘗不以肅又哲謀聖為君事。特欲見休咎君臣共致。君當脩身以取人。故發此義。案江王說甚精。蓋作肅成也。起也。恭作肅。則脩己以敬。而臣下皆敬。爾在公矣。從作入。則發出號令而民悅。言之必行。而臣皆得善治其職矣。明作哲。知人則哲。而在位者皆務進賢退不肖矣。聰作謀。從善如流。不惑巧言。則大猷是經。而忠言嘉謨不可勝用矣。睿作聖。心通乎道。兼包四德。一以貫之。恭已無為。從欲以治。明目達聰。兼

聰並觀。極深研幾。以通天下之志。定天下之業。其仁如天。
其智如神。聖德純備。而天下仁聖賢人並立於朝。咸有一
德矣。其在周易。乾九二利見九五之大人。帝堯在羣龍
為輔。是為皇極有建。建極皇極者。即五事之盡得其中。而
貌言視聽又皆統於思。故大學以脩身為平天下之本。
而仁義又為脩身之本也。此就聖之極言之。若通於賢。則
凡性通明者皆得稱聖。故周禮六德知仁聖義中和並列
以教萬民。秦聖人之產聖。不必皆聖如堯舜周孔。故鄭
注云君思齊則臣賢智。虞氏易鼎卦注云賢之能者稱
聖人也。五事雖分屬五性。而行之則迭相為經。故論語

視聽言動皆統於禮而歸於仁。知其非聖而克之。即智
即義。其所以克之後之者。皆出於思。思無邪者。誠也。即
信。知此則可與言德行而不失之泥矣。王氏云。五行之氣
降生五材。為味色聲臭。以養人之欲者。凡民莫不用之。
聖人亦不能去。然此氣之麤者也。其不離乎氣而不離
乎氣者。乃五行之精。木仁則仁。金神則義。火神則禮。水
神則信。土神則智。故貌言視聽思。所為有物。所謂形色也。
恭從明聰睿。所謂有則。所謂天性也。肅又哲
謀聖。踐其形。盡其性也。凡民莫不有五事。而但用之于
食味別聲被色之間。至于恭從明聰睿固有之精。則不

能盡。是不誠無物。而五事皆虛器矣。惟聖人敬用五事。是為能用五行。此第五章陳五事。

三八政。一曰食。二曰貨。三曰祀。四曰司空。五曰司徒。六曰司寇。七曰賓。八曰師。

此數本諸其職先後之宜也。食。謂掌民食之官。若司徒

者也。貨。掌金帛之官。若周禮司貨下知宜是也。祀。掌祭祀之官。

若宗伯者也。司空。掌居民之官。司徒。掌教民之官也。司

寇。掌諸盜賊之官。賓。掌諸侯朝覲之官。周禮大行人是

也。師。掌軍旅之官。若司馬也。案云大傳說。八政何以先

食。傳曰。食者。萬物之始。人事之本也。故八政先食。漢

書。洪範八政。一曰食。二曰貨。食。謂農殖嘉穀可食之
物。貨。謂布帛可衣及金刀龜貝。所以分財布利。通有無者
也。二者生民之本。食貨志三祀。祀者。所以昭孝事祖。通神明
也。郊祀志馬氏曰。司空掌營城郭。主塗土以居民。司寇主誅寇
害。史記集解曰。君臣皆能慎厥修。身則政舉。故次以八政。江氏
云。食者民之天。故為最先。貨所以通有無利民用。故貨
即次之。食貨既足。民生厚矣。聖王威民而後致力於神。故
祀又次之。王制云。食節事時。民咸安其居。樂事勸功。尊
君親上。然後興學。故司空在司徒之先。先教而後誅。故司
寇在司徒之後。德立刑行。遠方賓服。故次之以賓。其有暴

虐無道不率化者。則出六師以征之。故次以師。是其職
先後之宜也。國語云。昔我先王世后稷。又云。夏之表也。
素稷弗務。我先王不密用失其官。則后稷是官名。堯典
云。綏后稷。播時百穀。是掌民食之官也。周禮牧官有
掌貨賄之官。職制無政。其次在掌客。掌訝。掌交。掌察
之後。當是專掌朝聘之貨賄。鄭所云司貨賄。豈不謂事。
官有太府。玉府。內府。外府。及職內職歲職幣之屬。皆是掌
貨賄之官。鄭蓋謂是典。周禮大宗伯之職。掌建邦之天神人鬼
地祇示之禮。是掌祭祀之官。周禮司空官之。王制云。司空執
度。度地居民。是掌居民之官。周禮云。乃立地官司徒。使

率其屬而掌邦教。是掌教民之官。周禮司寇為刑官。
小宰職云。五曰刑職。以詰邦國。以糾治下民。以除盜賊。是司寇
掌詰盜賊也。周禮大行人掌大賓之禮。及大客之儀。以
親諸侯。春朝諸侯而圖天下之事。秋覲以比邦國之功。
以下備數。夏宗冬遇。時會殷同等事。是大行人掌茲
侯朝覲也。周禮大司馬卿一人。小司馬中大夫二人。軍司
馬下大夫四人。與司馬上士八人。行司馬中士十有六人。凡
制軍。萬有二千五百人為軍。王六軍。軍將皆命卿。二千
五百人為師。師帥皆中大夫。五百人為旅。旅帥皆下大夫。百
人為卒。卒長皆上士。二十五人為兩。兩司馬皆中士。是司

馬掌軍旅也。食貨之等。鄭必皆以官言之者。以言八政。政
事必各有官司之。經或舉事。或舉官。互相備也。鄭于三
官各舉其事。于食貨等各舉掌之官。與經互相發明。其
甚精當。孔穎達駁之。非也。案國語云。稷為天官。鄭君說
初堯天官為稷。舜登用之年。舉稷為之。蓋舜定。稷為
之。武。皋陶謨云。暨稷播奏庶艱食鮮食。懋遷有無化
他居。則食貨皆其所掌。古者財貨統於天官。故周禮大
府等皆天官之屬。而王制云。冢宰制國用。虞夏時農政
商政蓋皆后稷所掌。至周則遂人司市等分屬地官矣。
祀掌於秋宗。在周為宗伯。春官也。初堯冬官為共工。舜

舉禹治水。職名司空。水。初平。與民居最急。故司空在司徒前。民得養生喪死。各有攸處。然後教化可行。故司徒次之。天官主養。地官主教也。堯時秋官為士。虞夏間或或更名司空。猶禹完百揆。後舍司空之職。為共工與虞。而此仍云司空。或亦虞夏間改稱。鄭注大傳。數夏六卿。仍以土與共工言。其職一也。大行人周禮屬秋官。虞夏時不知名。周書司馬為夏官。與司徒皆唐虞三代同名。此八政。周禮六官。稍有分合。合之由禮所言殷制。損益大略可見矣。

此第六章陳八政。

四五紀。一曰歲。二曰月。三曰日。四曰星辰。五曰歷數。

星。五星也。疏文五行傳曰。歲星為仁。思德

者慈。於五事就。為威儀舉動。仁虧貌失。逆春令。則歲星為

災。非主福德。見惡逆則起。為殃更重。災惑於五常為禮。

辨上下之節。於五事為視。明察善惡之事也。禮虧視失。

逆夏令。則熒惑為旱災。填星者。於五常為信。言行不

二。而於五事為思心。寬容受諫。若五常五事皆失。填星

為變動。太白者。西方金精也。於五常為義。舉動得宜。

於五事為言。號令民從。義虧言失。逆秋令。則太白為變

動。辰星。北方水精也。於五常為智。下有四字誤刪之。於五事為聽。

不惑是非。智虧聽失。逆冬令。則辰星為變動。以鄭集馬氏

星二十八宿。辰。日月之所會也。

史記集解鄭克
典註義同此注典

釋曰數政

必順天時。堯欽若昊天。敬授民時。舜察璣衡。以齊七

政。史公稱孔子行夏時。學者多傳夏小正。禮明堂月令。

倘四時五行盛德所在之政。故八政次以五紀。紀者條理而

記錄之。若網在綱。有條而不紊也。歲星行一次謂之歲。

月與日一會謂之月。日行一周天。誠於天行一度謂之日。

經星二十八^{及緯}星五謂之星。二十八星行度分十二次為

日月所會之處謂之辰。推步日月星辰行歷積久之

數。以成歲歷而定時數謂之歷數。戴氏震原象云。分

至啟閉。紀於歲者也。朔望朏霸。江氏改
為晦紀於日月者也。永

短昏昕。紀於日者也。列星見伏昏旦中。日月躔遂。紀於星辰者也。盈縮經緯終始相差。紀於歷數者也。以用其說而申之曰。分。謂春分秋分至。謂冬至夏至。啟謂立春立夏。閉。謂立秋立冬。是為八節。冬至日在牽牛。南之極。立春在營室。春分在室。當南北之中。交于赤道而北。立夏在畢。夏至在東井。北之極。立秋在翼。秋分在角。亦當南北之中。交於赤道而南。立冬在尾。冬至在牽牛。日循黃道一周而成歲矣。是分至啟閉以歲紀也。朔。謂日月合會。以是日為月之初一。朔之言始也。望字從月。從土。朝庭也。月滿與日相望以朝君也。

謂月之十五日也。朏字從月出。謂月三日之昏始生兆
顯見于西方也。晦。謂月之二十九日或三十日月行將及
日。其外畔向天者受日光而昏明。由地上望之則冥闇
無見。故曰晦也。是月之盈虧消息也。永。謂仲夏晝
長。短。謂仲冬晝短。昏字從日從下而冥也。鄭注士昏
禮云。日入三商為昏。所者。旦明日將出也。晝長則宵短。晝
短則宵長。以昏昕為度。是所以紀日也。見。謂見于東方。
詩云。三星在天。毛傳云。三星。參也。在天。謂始見東方也。
是昏見也。夏小正云。四月昴則見。五月參則見。國語云。辰
角見而雨畢。天根見而水涸。本見而草木節解。始見而

隕霜。火見而清風戒寒。昭四年左傳云。西陵朝覲。是
皆謂旦見東方也。伏者。日躔其宿。則其星隨日而後而
不見。若夏小正云。三月參則伏。傳曰。伏也者。非亡之詞也。
星無時而不見。我有不見之時。故曰伏云。是也。昏旦中者。
中。謂中于南方。若明堂月令孟春昏參中。旦尾中。仲春
昏弧中。旦建星中之屬是也。日月躔遠者。躔。謂行歷其
次。遂。謂行過而去。若月令孟春日在營室。鄭注云。日月
會于諏訾。仲春日在奎。注云。日月會于降婁之屬是也。然
則列星見伏昏旦中所以紀星。日月躔遠以紀辰。今合
言星辰者。辰。即列星之分爲十二次者。故經合星辰爲

一也。贏謂行疾而前侵。縮謂行遲而不及。經謂恆星。
緯謂土木火金水五星也。天左旋一周而日右行一度。月右
行十三度十九分度之七。故曰歲一周天。月則二十七。九
百四十分日之三。百二強而一周天。日月交會之後積二
十九日九百四十分日之四百九十九。月一周天之外又行及
日而一會。是其常也。惟是日月之行皆有遲疾。故有
二十九日不及九百四十分日之四百九十九而一會者。亦有
過乎九百四十分日之四百九十九而一會者。必需乎此而
後可定月之大小矣。故今憲書或兩月頻小。且或三月
相仍皆大。是日月有贏縮也。日月在天。必假恆星以識

其雖舍而恆星則卒九年二月九日半而右移一度。故曰
循黃道一周起乎此。仍後乎此。而星則稍移。故歲功終
古不惑。而星之見伏。或中歷久必變。歷家必隨時修改。以
示民。不可執古以律今也。故云贏縮經緯終始相差。以
紀歷數也。案江氏說甚詳明。惟星辰舉徑遺傳。故最
未備。史記集解及孔疏皆引鄭此注云。建星也。而實以周
禮大索伯疏謂鄭於堯典洪範皆星辰合釋。疑鄭注
唐時傳寫有兩本。或實氏記憶偶誤。竊謂堯典專據
授時。下云星鳥星大星虛星昂星辰自當專以二十八
宿十二次言。大傳亦以張大虛昂言之。此統紀天象。則星

辰常經緯並舉。大傳以五星為五事得失之驗。明是此經之傳。鄭注以星為五星辰為二十八宿十二次與堯典注異。各順經各依據古義。不可易。五星周天年數遠近不同。歷象所必及。堯典在璿璣玉衡以齊七政。唐虞夏時固已步五星推審矣。近時或疑此句鄭注為誤。失之。此第七年。陳五紀。